



23. april 2012

Inatsisartut suleriaasianni § 37 naapertorlugu Naalackersuisunut apeqqutit imaattut saqqummiupavut:

Naalackersuisut ineqarnermut tunngasumik politikiat pillugu apeqqutit

1. Takussutissat titartakkiallu atorlugit inissianut iluarsartuussassanut AI01-imit AI12-p tungaanut aningaasanut inatsit aqcutigalugu toqqaannartumik aningaasaliissutit takussusiarineqarnissaat kissaatigineqarpoq. Takussutissiakkut ilanngullugu maanna Naalackersuisuusut atuutilernerannilli aningaasanut inatsit aqcutigalugu iluarsartuussinissanut aningaasaliissutaasut appariarsimanersut qaffariarsimanersulluunniit oqaasertalerneqassasoq kissaatigineqarpoq.
2. Inissiat nammineq pigineqartut, piginneqatigiinneq atorlugu pigineqartut, nammineq illuliat, sanaqaataanikkut illuliat inissialiernerillu allat 2000-imit 2009-p tungaanut Namminersornerullutik Oqartussanit tapiiffigineqarlutik sanaartorneqarsimanersut pillugit takussutissiaq atorlugu takussutissiarineqarnissaat kissaatigineqarpoq, taamatullu aamma piffissami pineqartumi aningaasaliissutit qanoq amerlatigisut sanaartornermut iluarsartuussinermullu aningaasaateqarfimmi uninngatinneqarpat? Naalackersuisunut ilaasortaq inissiat taakku pitsaasunut iluaqutaasutullu aningaasaliissutaanerannut isummamut akerliua?
3. Namminersornerullutik Oqartussat 1987-imi Naalagaaffimmit inissianut oqartussaanermik tigusinerisa nalaanni ingammik inissiat pisoqaanerisut iluarsartuunneqartariaqarnerannut naalagaaffik kinguaattooreersimaneera Naalackersuisunut ilaasortap ilumuunngissorivaa?
4. Apeqqummut kingullermut tapertaliullugu Kalaallit Nunaat danskit naalagaaffiannit iluarsartuussinermut kinguaattoorutaasunut ikiorsiissutitut aningaasanik taakkunungarpiaq atugassanik pissarsisimanersoq paasissutissiissutigineqassasoq kissaatigineqarpoq.
5. Naalackersuisunut ilaasortap ilaatigut Naalackersuisuusimasut Siumumit siulersorneqartut iluarsartuunneqartariaqartunut iluamik qanoq iliuuseqartarsimannginnerat pillugu oqaaseqarpoq, taamatullu aamma nammineq naalackersuisoqarfiata ukiut kingulliit atorlugit pineqartoq pillugu ilisimasanik katersisariaqarsimasoq. Naalackersuisunut ilaasortap nammineq sanaartorneq pillugu nalunaarusiamini kapitali 9-mi “iluarsartuussinissat pillugit pilersaarut 2000” “Naalackersuisut Siumumit siulersorneqartut” taamanikkut Namminersornerullutik Oqartussasut ukiut qulit ingerlaneranni iluarsartuussinermik ingerlatsinerannut tunuliaqutaasoq pillugu saqqummiussisimanini ilisimaaraa?
6. Ukiumoortumik kisitsisitigut paasissutissani 2008-meersuni immikkoortoq 4.3.3-mi piffissami 1999-imit 2002-p tungaanut inissiat 2000-it missaat iluarsartuunneqarsimasut takuneqarsinnaavoq. Taamatut suliniuteqarneq Naalackersuisunut ilaasortap Naalackersuisunit Siumumit siulersorneqartunit iluarsartuussinermik ingerlatsisimanngineranut oqariartuutaanut qanoq ililluni naapertuuppa?
7. Aningaasat atorneqanngitsut qanoq amerlatigisut maanna Sanaartornermut iluarsartuussinermullu aningaasaateqarfimmi atorneqaratik unginngaannarpat?

Aningaasanillu taakkunanga qanoq amerlatigisut siuliani Naalackersuisuusimasunut Inatsisartut aningaasaliiffigisimasaannut attuumassuteqarpat?

8. Naalackersuisunut ilaasortap pisumut allamut tunngatillugu taamanikkut Naalackersuisuusut 2008-mi A/S Inissiaatileqatigiiffik INI-p inissianut ingerlataanut atatillugu ineqarnermut akiliutip qaffanneqarnissaannik aalajangermik atorunnaarsitsisimanerat isornartorsiorpaa. Inissiani ineqarnermut akiliutip qaffanneqarnissaa sioqqullugu taamanikkut Naalackersuisuusut Naalackersuisoqarfinit arlalinnit taamatut qaffaaneq pinnginnerani inuuniarnermi atukkatigut aningaasatigullu kinguneqaatissaanik misissueqqaartoqarnissaanik aalajangerput, taamatummi aalajangerminnut inissiani attartortitakkani akinik qaffaaneq inuit akiliisinnaassusiannut naapertuutinnigppat taamatut aalajangerneq illersorneqarsinnaanngitsutut isigigamikku, taamatummi naapertuutinnigsumik qaffaaneq inuuniarnermi atukkatigut, soorlu amerlanerusut iniminnit anisitaanerannik aammalu inissianik attartornermi akiliutit qaffakkiartornerannut sakkortuumik kinguneqarsinnaammat. Pisortat inissianik attartortitsisartutut inissisimanerminnut atatillugu inuuniarnermi atukkanik inissianut politikeqarnermut atatillugu nalilersuisarneri Naalackersuisunut ilaasortap naapertuutinnigsumut isornatutullu isigaa? Kiisalu Naalackersuisunut ilaasortap nammineerluni ineqarnermut atatillugu suliniutini (ineqarnermut tunngasuni) inuuniarnikkut atukkanut tunngatillugu naliliisarnermik tunngaveqanngilluinnarluni ingerlattarpai?
9. Ullumikkut inissianik attartortut piffinni tamani aningaasartuutini, inissianut iluarsaanernut iluarsartuussinernullu aningaasartuutinit naapertuutunik aallaaveqartumik inissianut attartornermut akiliisarpat? Taamatut aningaasartuutinit naapertuutunik akiliisarnissamik Naalackersuisunut ilaasortaq ivertinneqarnerminit maanna ukiut marluk affarlu qaangiunnerani atuutilersitsinissamut kissaatigineqarpoq. Tassunga atatillugu tunngavilersuutimik paasissutissiissasoq kissaatigineqarpoq. Tassunga tapiliullugu Naalackersuisunut ilaasortap patsisigisai siusinnerusukkut Naalackersuisut 2008-mi inissianut attartornermik akiliutit qaffanneqarnissaagaluinut atorunnarsitsinerannut tunngavigisaaniit annertuumik allaanerunersut – takuuk siuliani apeqput - pillugit paasissutissiinissaq kissaatigineqarpoq.
10. Naalackersuisunut ilaasortanut Pisortaanernullu inissiat Inissianik attartortitsineq pillugu peqqussummi § 14, imm. 4 naapertorlugu inissianut immikkoortumut immikkut inissinneqarput (nr. 230). Inissianut taakkunanga aningaasartuuterpiaasut naapertorlugit akiliisitsisoqartarpa, tassungalu ilanngullugu aamma inissianik piginnittoq 1½ procentimik iluanaarutisarpa? (Akissummi Naalackersuisunut siulittaasoq kiisalu Inatsisartunut siulittaasoq ilanngunneqassanngitsut kissaatigineqarpoq, taakkumi akissarsiaqarnermut inatsit naapertorlugu inigisaminnut akiliinatik, akeqanngitsumik ineqartitaanermut 48.000 kr-ip nalinganik akileraarutinit akiliissusaatitaammata, tamannalu qaammammut inissamut 1700 kr-it inulaarlugit akiliisarnermik naleqarpoq).

Tunngavilersuut:

Naalackersuisunit siulitsinnit ineqarnermut tunngatillugu amigartoorutilerujussuarmik maanna Naalackersuisut kingornussipput – taamatut Ineqarnermut, Attaveqarnermut Angallanermullu Naalackersuisoq Sermitsiap nittartakkakkut atuagassiaanut ulloq 19. marts 2012 oqaaseqarpoq. Naalackersuisunullu ilaasortaq aamma tassani ulloq 27. marts 2012 Sorpajunnik tiguisisimanerarluni oqaaseqarpoq.

Inissiaatigisatsinni amerlasuunik annertuunillu iluarsagassatigut ajornartorsiuteqarnerput miserratigissanngilluinnarparput. Isumarpulli naapertorlugu Naalackersuisunut ilaasortap oqariartuutai qarsupittuupput. Innuttat suliamut tunngatillugu eqqortumik paasissutissinneqarnissaat siunertaralugu apeqqutit saqqummiuppavut.

Apeqquutitta akineqarnissaat qilanaaraarput, tamatumalu ullut suliffiusut qulit ingerlaneranni pisinnaanissaa kissaatigaarput. Apeqquutilli akiniarneri piffissaliussap iluani pisinnaassanngippat, qaqugu akineqarumaarneranik ulluliussamik ilalimmik paasissutissinneqarnissarput inussiarnersumik qinnutigaarput, akissutimmi UPA 2012-imi ataatsimiinnermut atatillugu oqallinnermut atorneqassammata.

Inussiarnersumik inuulluaqqusilluta

Kim Kielsen aamma Malik Berthelsen, Siumut